

**Z A K O N**  
**O IZMJENAMA I DOPUNAMA ZAKONA O POSTUPKU**  
**PRED USTAVNIM SUDOM FEDERACIJE BOSNE I HERCEGOVINE\***

Član 1.

U Zakonu o postupku pred Ustavnim sudom Federacije Bosne i Hercegovine ("Službene novine Federacije BiH", broj 6/95) u članu 4. stava 1. u prvom redu, riječ "i" zamjenjuje se zarezom, a u drugom redu iza riječi "jezik" zarez se briše i dodaju riječi: "i srpski jezik".

U stavu 2. u drugom redu, riječ "i" zamjenjuje se zarezom, a iza riječi "jezika" tačka briše i dodaju riječi "i srpskog jezika".

Stav 3. mijenja se i glasi:

"U Ustavnom sudu službena pisma su latinica i ćirilica".

Član 2.

U članu 9. riječi: "odluke najvišeg suda kantona kojom je odlučeno o postojanju vitalnog interesa konstitutivnog naroda u kantonu sa posebnim režimom" zamjenjuju se riječima: "konačne odluke nadležnog suda kojom je odlučeno o imunitetu osobe koja se pozvala na imunitet".

Član 3.

Naziv glave V i član 42. mijenjaju se i glase:

"V – POSTUPAK ZA ODLUČIVANJE O PITANJIMA VITALNIH INTERESA KONSTITUTIVNIH NARODA

Član 42.

U Ustavnom sudu osniva se Vijeće za zaštitu vitalnih interesa (u daljnjem tekstu: Vijeće) koje je nadležno za odlučivanje o pitanjima vitalnog interesa konstitutivnih naroda prema proceduri utvrđenoj ovim zakonom.

Vijeće se sastoji od sedam članova, dva iz svakog konstitutivnog naroda i jedan član iz reda ostalih. Sudije bira Predstavnički dom i Dom naroda."

Član 4.

Iza člana 42. dodaju se novi čl. 42a. i 42b. koji glase:

---

\* Zakon o izmjenama i dopunama Zakona o postupku pred Ustavnim sudom Federacije Bosne i Hercegovine objavljen je u "Službenim novinama Federacije BiH", broj: 37/03.

#### "Član 42a.

Postupak utvrđivanja postojanja vitalnih interesa jednog od konstitutivnih naroda sukladno Amandmanu XL na Ustav, pokreće se na osnovu obavijesti, odnosno zahtjeva predsjedavajućeg ili jednog od potpredsjedavajućeg Doma naroda da Zajedničko povjerenstvo formirano od predstavnika Predstavničkog doma i Doma naroda nije usaglasilo tekst zakona, propisa ili akta koji se tiče vitalnog interesa konstitutivnog naroda.

#### Član 42b.

Postupak utvrđivanja postojanja vitalnih interesa jednog od konstitutivnih naroda zastupljenih u skupštini kantona u skladu sa Amandmanom LXXX na Ustav pokreće se na osnovu obavijesti ili zahtjeva predsjedavajućeg ili zamjenika predsjedavajućeg zakonodavnog tijela kantona da nije postignuta saglasnost većinom glasova unutar svakog kluba konstitutivnih naroda zastupljenih u zakonodavnom tijelu kantona.

U slučaju iz stava 1. ovog člana Vijeće postupa na način predviđen Amandmanom XL na Ustav."

#### Član 5.

U članu 43. u šestom redu, iza riječi "interesa" stavlja se tačka, a ostali dio teksta briše se.

#### Član 6.

Član 44. mijenja se i glasi:

"Mandat člana Vijeća prestaje prestankom dužnosti sudije Ustavnog suda.

Vijećem predsjedava predsjednik Ustavnog suda, ako je predsjednik član Vijeća, a ako predsjednik nije član Vijeća predsjedava sudija koga izaberu članovi Vijeća iz svog sastava."

#### Član 7.

U članu 45. stav 1. u drugom redu riječ "Potpredsjednika" zamjenjuje se riječima: "jednog od potpredsjednika".

#### Član 8.

U članu 46. u trećem i četvrtom redu riječ "Predsjednik" zamjenjuje se riječima: "jedan od potpredsjednika".

#### Član 9.

Naziv glave VII mijenja se i glasi:

"VII – ODLUČIVANJE O ŽALBI PROTIV ODLUKE NADLEŽNOG SUDA KOJOM JE ODLUČENO O IMUNITETU"

#### Član 10.

Član 48. briše se.

## Član 11.

Član 49. mijenja se i glasi:

"U postupku odlučivanja o žalbi protiv odluke nadležnog suda kojom je odlučeno o imunitetu pred Ustavnim sudom stranke u postupku su sud koji je donio rješenje i sve stranke u tom postupku.

Kad odlučuje u ovom postupku Ustavni sud može odlučiti da na sjednicu suda pozove stranke iz stava 1. ovog člana.

## Član 12.

Član 50. mijenja se i glasi:

"Postupak odlučivanja po žalbi protiv odluke nadležnog suda kojom je odučeno o imunitetu je žuran."

## Član 13.

Član 51. mijenja se i glasi:

"Bliže odredbe o postupku pred Vijećem i o postupku odlučivanja o žalbi protiv odluke nadležnog suda o imunitetu, uredit će se Poslovníkom o radu Ustavnog suda Federacije Bosne i Hercegovine ("Službene novine Federacije BiH", broj 34/98)."

## Član 14.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući  
Doma naroda  
Parlamenta Federacije BiH  
**Slavko Matić, s. r.**

Predsjedavajući  
Predstavničkog doma  
Parlamenta Federacije BiH  
**Muhamed Ibrahimović, s.r.**